

CLASSIS PRIMA

continens

MATHEMATICA

ANNAE

R V S S O R V M

IMPERATRICI



V T qualiscunque indu-
 striae nostrae specimina
 quae hoc tertio volu-
 mine comprehendun-
 tur, ante quam in
 publicum prodirent,
TIBI, AVGVSTA, offerremus, et si
 opusculorum prohibebat exilitas, incre-
 dibilis tuae erga collegium nostrum be-
 nigni-

nignitatis fiducia effecit ; quando quidem *Petri I. Imperatoris* Patruī tui acta confirmas, eiusque immortalia in Rus-
siam merita nouis beneficiis quotidie
auges atque illustras, hanc vero, quam
illius sapientia fundauit, Academiam,
singulari clementia sic complecteris ut
artes ingenuas, nunc praesertim, quando
flos nobilitatis et iuuentutis omni gene-
redoctrinae et exercitii militaris prae-
clare institutus in spem patriae tuendae
ornandaeque adolescit, nusquam cultas
feliciter, nusquam liberalius acceptas
quam tuo sub imperio existimemus.

Hac felicitate temporum dum TE
salua fruimur, dum placidissimam pa-
cem, qua nihil est humano generi opta-
bilis, TE imperante non solum in
Europa seruata, sed nuper etiam tuis
auspiciis in Persarum finibus restituta
Russiae gratulamur, ingratis mortali-
um, tuoque beneficio indigni simus,
nisi

nisi eius magnitudinem spectemus meritisque laudibus eo ardentius extollamus, quo certior nobis spes est, hanc diuinitus concessam tranquillitatem TE incolumi constantem ac perpetuam fore, postquam finitimos populos vel foederum religio, vel metus armorum tuorum et certissimae calamitatis suae, si fidem datam violarent, in officio continet.

Nos interea, quae muneris nostri ratio postulat, alacriter exsequemur, tuaque auctoritate et summa beneuolentia freti operam dabimus, vt Imperio Russico tot rebus terra marique prospere gestis inclito atque ad fastigium gloriae tua prudentia euecto non minimum decus etiam a litterarum et humanitatis studiis accedat.

Petropoli
Cal. Sept.
MDCCXXXII

Academicorum nomine
Christianus Goldbach.